



Suliffeqarfissuit immikkoortortallit, suliffeqarfissuarni piginnittut aalajangersimasumillu ingerlatsiviusut akornanni nakkutigisaasumik nussuisarnerit akiinik aalajangersaasarnerit pillugit malitassat nalilersoqqissaqqullugit inernalu UKA2019-imi agguateqqullugu Naalackersuisut peqquneqarnissaannik Inatsisartut aalajangiiffigisassaattut siunnersuut ("Transfer-pricing"). Matumani siunertarineqarpoq akileraartarnikkut pilersarutipalaalersorsinnaanerit pinngitsoortinniarlugit malitassat sukateriffigineqarsinnaanerit, taassumalu ataani ulluinnarni ingerlatsinerit ataqpineqarnissaat.

(Inatsisartuni ilaasortaq, Henrik Fleischer, Siumut)

(Siullermeernera)

Soorlu siunnersuuteqartup oqaatigigaa, transfer-pricing tassaavoq akulikitsumik oqallisigineqartartoq. Uangut ilisimasagut naapertorlugit transfer-pricing Kalaallit Nunaanni maannamut atorneqarnikuunngilaq. Imaanngilarli tamanna pissutigalugu qulequtaq tusaajumassanngikkipput. Tamannalu tunngavigalugu isumaqarluarpoq uangut inatsisiliortutut qulequtaq sammuiassagatsigu taamatullu qularnaarlugu inatsisip nutartersimajuarnissaa.

Naalackersuisut oqarnerattut suliffeqarfiit uppersaasiortussaanerit pillugu Inatsimmi ullumikkut erseqqissunik aalajangersagaqanngilaq. Inatsimulli nassuiaatini allasimavoq uppersaasatit arlaannaannulluunniit attuumassuteqaratik susassaqtut isumaqatigiissutigisimasinnaasaannut naapertuuttumik akigititat atugassarititallu nalilersorneqarnissaannut tunngavissiisinnaassasut. Taamaattoq piumasqaataavoq suliffeqarfiit nakkutigisaasumik aningaasanik nuussisarnerminni akigititaminnik atugassaritaminnillu qanoq aalajangersaasimanerminnik nassuiaasiussasut.

Nalunngisatsitut maannakkut Inatsisartuni ataatsimiinnitsinni nakkutigisaasumik aningaasanik nuussisarnermi uppersaateqartarnissaq pillugu malittarisassanik sukaterinissamik pingaarnertut siunertaqartoq suliarisussaavarput. Siunnersuummi erserineqarpoq uppersaasarsuisarnissamut tunngatillugu OECD´ malittarisassai nutaat innersuussinerilu malinneqassasut. Tassani Inatsisissatut siunnersuummi pingaarnertit ilaattut Naalackersuisut suliffeqarfiit uppersaasiornissaannut maleruqqusanik erseqqinnerusunik aalajangersaanissamut piginnaatinneqarusupput.

Maleruagassat nutaat malillugit Akileraartarnermut Aqutsisoqarfik periarfissagissaarnerulissaaq suliffeqarfiit aningaasaqarnikkut aqqissugaanerannik niueriaasiannillu tamakkiisumik takunnittarnissaminut.

Tamanna tunngavigalugu Naalackersuisut isumaqarput maleruqqusanik UKA 2019-mi nalilersuinissaq siunertamut naapertuutinnitsoq. Pissutaavoq maleruqqusat ulloq 1. januar 2019 maleruqqusanik nutaanik taarserneqartussat nalilersorneqartariaqalernissaat. Taamaattumik Demokraatini Naalackersuisut



allannguutissatut siunnersuutaat tapersorsorparput taamaasilluni nalilersuisoqassaaq malittarisassat ukiuni tallimani atuutereerpata.

Taamatut paaseqatigiilluta siunnersuut innersuupparput Aningaasaqarnermut Akileraartarnermullu Ataatsimiititaliamut suliareqqitassanngorlugu.